


## Biografia di Fortunato (Catey) Werleman

**Fortunato Werleman** a nace na Aruba, dia 21 di april 1940. Su nomber di cariño ta Catey. Nomber di su tata ta Vicente Werleman y su mama ta Angelica Werleman. Catey a nace y crece na Santa Cruz. E tin 3 ruman muhe y 3 ruman hombre. Catey ta di 5 ruman. E ta casa cu Mercelina Enriqueta Croes, kende a nace dia 2 di juni 1941. Nan a casa na 1966 y nan tin 2 yiu homber. Aldric a nace dia 1 di mei 1969 y Alan dia 10 di juli 1975.



### Bida artistico ta trece un cambio di bida di berdad

**Musica ta trece  
ALEGRIA**

E cambio segun Catey, ta bay di aña pa aña y bo ta wak cu bo ta progresa hopi. Catey y su otro coleganan musico di trio no ta jong mas, pues nan mester hende pa reemplasa nan. Catey ta kere cu musica ta excelente, e ta hopi bon pa bo seso y pa tur cos. Musica ta trece alegria.

### E bida artistico

Cu 12 aña Catey a cuminsa toca guitarra. E tabata improvisa riba guitarra hopi y cu 15 aña e tabata toca tambe den un conhunto cu yama Caribbean Boys. Den careda di aña 1957, el a bay tuma les di guitarra, baho y trompet. E no a sigui cu trompet, pero el a sigui si cu contrabaho. Catey a bay toca contrabaho pa conhunto Estrella Musical. Esaki tabata un conhunto popular den e tempo ey. Prome cu esey, Catey tabata toca den trio Los Madrigales hunto cu Mario Croes y cu Cobito Angela. Despues el a sigui den Trio los Arubeños cu ta un di e famosonan na Aruba for di aña 1966 te cu awor. Pero nan sa toca cu mariachi Universo tambe den e añanan ey. Den e trayectoria di Trio Los Arubeños, Catey a bay basta luga den exterior riba invitacion di gobierno di Aruba. E ta menciona e.o. Merca, Mexico y Alemania. Trio Los Arubeños tin awor aki 53 aña di existencia. Fuera di esey, Catey ta yuda un koor grandi cu yama Maria Reina di Paz di St. Cruz. Catey tambe ta den Rondaya Universo di Aruba. E grupo popular aki tin 12 integrante.



## Dedicacion, estilo musical y desaroyo musical

Catey ta ensaya varios biaha pa siman cu gruponan y esey ta duna motivacion. Naturalmente e man y dedenan tambe ta bira mas flexibel. Den coro, ta Catey ta toca e melodia. Diariamente e ta cu ehercicio di scala riba guitarra. E ritmonan cu Catey ta gusta ta bolero y balada. Toch e ta gusta hopi tambe musica crioyo, manera nos wals y tumba. Catey ta keto bay activo cu Trio Los Arubeños pa 53 aña caba, cu Rondaya tambe pa mas o menos 8 aña y den e Coro Maria Reina di Paz e tin mas cu 10 aña ta toca. Hopi aña pasa Catey, hunto cu Mario y Cobito a forma Trio Los Madrigales y nan a yega di compañia musicalmente 2 comedia: “Nos cu nos” y “Co’i kens”.



## E parti Internacional

**Sigui desaroya bo instrument, Asina bo ta crece musicalmente.**

Cu Los Arubeños, Catey a bay Alemania, tambe nan a presenta na New York, Brooklyn, Boston y na Atlanta. Nan a representa Aruba cu Oficina di Turismo na Mexico y na Puerto Rico. Hopi aña pasa nan a haci un presentacion na Corsou hunto cu algun trio di Corsou y un trio di Puerto Rico.

## Grabacion realisa

Trio Los Arubeños tin un disco 45, graba hunto cu Rufo Odor d.f.m. E grabacion a tuma luga na Aruba Recording Studio. Nan a graba 2 cancion di Cay Hart d.f.m, kende tabata un bon compositor. Tin algun otro disco 45 mas tambe cu nan a graba. Trio Los Arubeños a graba cu Hildward Croes un CD cu yama Naturalesa. E ta un bunita CD cu 12 cancion, completamente na Papiamento, graba na aña 1983. Trio Los Arubeños a graba cassette tambe cu musica di Pasco . Nan tin 3 CD graba. Catey no sa si nan ta bay graba mas, pasobra e tempo no ta duna.



## Grupo musical cu a forma parti

Catey a cuminsa toca guitarra den conhunto Caribbean Boys cu 14 aña. Despues el a bay les di contra baho y a forma parti di conhunto Estrella Musical. El a forma parti di Trio Los Madrigales, hunto cu Mario Croes y Cobito Angela, pero esey no a dura mucho. Catey a sigui cu Trio Los Arubeños for di aña 1966 te cu awor aki. E ta forma parti di koor Maria Reina di Paz tocando guitarra. Catey ta forma parti di Rondaya Universo di Aruba tambe.



**Grupo Rondaya**

## Acontecimiento considera mas importante den e bida artistico



Catey ta kere cu e alegria cu bo ta haya ora bo ta toca, ta e aplausonan cu bo ta haya. Esaki ta loke bo ta aprecia mas cu tur cos. Un experiencia inolvidabel cu Catey tabatin, ta dia nan a bay riba un crucero cu e trio. Nan a sali di Aruba riba Freewinds. Trio Los Arubeños a haya invitacion pa toca un anochi riba e barco. E experiencia ey, Catey a gusta masha. Nan a bay te St. Lucia. Tambe Trio Los Arubeños a toca mey

## Sugerencia pa e futuro generacion

Riba tereno musical, Catey ta kere cu e hoben mester gara e instrument si e kier siña y bay dilanti, sigui toca na un manera serio y esey lo hib'e hopi leu. Si bo haya un chens di bay studia na Berklee of un di e luganan aki, probecha di e oportunidad unico aki y sigui studia. Lo bo bira un artista grandi den mundo y cu bon conocimiento musical. Hobennan esey ta pa boso.

